

Ұлттық рух – ұлттың асыл қасиеті.
Б.МОМЫШҰЛЫ



ӘДИЛЕТ

Газет 2010 жылғы 5 мамырдан шыға бастады

ҰЛТТЫҚ АПТАЛЫҚ

web: www.adiletgazeti.kz

№43 (246) • 6 қараша • Жұма • 2015 жыл

E-mail: adilet.media@mail.ru

ISSN 2412-3722

НАЦИОНАЛЬНЫЙ ЕЖЕНЕДЕЛЬНИК / NATIONAL WEEKLY / ULUSAL HAFTALIK / الوطنية الأسبوعية



9 772412 372006

ЕЛБАСЫНЫН ФРАНЦУЗ

Елбасының ұстанымы – мәңгілік ел

Болашағы жарқын ел – бақытты ел. Біз бақытты елміз. Ең бастысы – Тәуелсіз елміз. Ең бастысы – Мәңгілік Елміз! Елбасының Қазақстан халқына ұсынған ұстанымы да осы. Елбасының ұстанған бұл ұлттық идеясының маңызы зор. Өйткені, біздің болашағымыз асқақ та нұрлы. Заман күннен күнге коріктеніп, қоғамның өрісі кеңейіп, еліміз өркениеттікке бет бұрып келеді. Бұл бет бұрыс – Қазақстанның әлемдегі дамыған 30 елдің қатарына қосылуының игі қадамы.

Қазіргі таңда әлемдік дағдарыс туындайды деген толқу белең алды. Бірақ, оған толқымау да, өзгеше пікірге бой ұрмау да керек. Ол дағдарыс туындағанның өзінде біздің еліміз қиындықты жеңіп шығады. Қазақстан халқы дағдарысқа ұшырамайды. Бұл сенім әркімнің кеңіл түкпіріне бекем ұялауы қажет.

Жеңіске қандай мәселені де құқықтық реттеу және ғылыми басқару жолымен жетеміз. Былтырғы жылдың 15 желтоқсан күні Елордадағы “Астана Опера” сарайында еліміздің қастерлі мерекесі – Тәуелсіздік күніне орай өткен салтанатты шарада, “Қазақстан Республикасының тәуелсіздігі – Мәңгілік Елдің ұлы тарихы” деген қағидалы сөзінде Елбасымыздың “Дағдарыстар ұзаққа созылмайды. Жоғарыда айтқанымдай, бұл дағдарыс та өтеді. Әлемдік экономикадағы қиындықтарды еңсеруімізге, әлемдік нарықтардағы бағалардың тұрақтануына, экономикалық жобаларымыздың жүзеге асырылуына орай, біз міндетті түрде өсім қарқынын қайта оралтамыз” дей келе, “Мәңгілік Ел – бұл ертеңгі күнге есік ашатын, болашаққа сенім арттыратын идея, бұл – кері қайтпайтын және берік тұрақтылықтың символы” деуі осы ойымызды түйіндеп, біздің де сенімімізді арттыра түседі.

Кеңіл түкпіріне бекем ұялаған сенімді жоғалтпау керек. Сенім бар жерде жеңіс бар. Осы тұста, Қазақстан халқы ассамблеясы мүшелерінің бас қосуында айтылған “Жиһандық сын-қатерлер кезеңінде еліміздің Президенті Нұрсұлтан Назарбаевқа Қазақстанды дағдарыстан алып шығуына мүмкіндік беретін жаңа сенім мандаты берілуі қажет” деген пікір-ұсыныс еліміздің келешегіне

Діттеген негізгі мәселенің бірі – Мәңгілік Ел екенін бүкіл әлемге әйгілеу.

Шынтуайтында, Қазақстанды бүкіл әлем біледі десек асыра айтқандық емес. Сол бүкіл әлем білетін ел енді Мәңгілік Ел туын байырғысынан да биікке желбіретуі керек. Туы биікте желбіреп тұрған ел өзге елге үлгі-өнеге болу керек. Ең бастысы біз білімдар елміз. Елбасымыз білімдар ел атануымызға басты назар аударып келеді. Оны “Қазақстан жолы – 2050: Бір мақсат, бір мүдде, бір болашақ” деген Жолдауынан да айқын аңғарамыз. Онда “Біз үшін ортақ тағдыр – бұл біздің Мәңгілік Ел. Мәңгілік Ел – жалпы қазақстандық ортақ шаңырағымыздың ұлттық идеясы” деген қағида бар. Ол қағида ұлттық тәрбиеге қашанда нақты кеңіл бөлуді меңзейді. Оның түпкі мақсаты: бәсекеге қабілетті ел – бәсекеге қабілетті ұрпақ тәрбиелеуді оңды жолға қою. Сөйтіп, ұлттық тәрбие берудің өрісін кеңейту.

Бұл тұрғыдан алғанда, біздің әл-Фараби атындағы Қазақ ұлттық университетіндегі журналистика факультеті оқытушыларының еңбектері елеулі. Аталмыш Жолдау олардың арасында үлкен серпіліс тудырды. Ол серпіліс студенттерді отансүйгіштікке қалыптастыруға, ұлтының рухани-мәдени құндылықтарын, тарихын бағалауға, салт-дәстүрді сақтауға үйретуге оңды ықпал етуде.

Оңды ықпалдың ұрпақ тәрбиелеудегі маңызы ерекше. Ол ұлттық идеяны өркендетуге, өрістетуге кең жол ашуда. Жолдауда көрсетілгендей, ортақ шаңырағымыздың ұлттық идеясын өркендетпей, өрістетпей оның мүддесін қорғап, болмысын қолдай алмаймыз. Оған дәлел: біз ұлы ойшыл әл-Фарабидің “Мәдениетсіз алған білім өте қатерлі” деген

жарқын жол ашарын айғақтай түседі.

Осы өмірлік қағиданы жүзеге асыру үшін қоғамның дамуын өрістету, нақтысы идеологиялық кері көзқарастан арылу қажет. Кері көзқарастан арылу дегеніміз – моральдық және рухани құндылықтарды төмендетпеу деген ұғым. Ол ұғымның игілікке бастары ақиқат.

Ол ұғым ұлттық идеяның рухани, әлеуметтік әділдікке ұласуына мүмкіндік тудырады. Елбасының "Нұрлы жол – болашаққа бастар жол" деген Жолдауында "Мәңгілік Ел – елдің біріктіруші күші, ешқашан таусылмас қуат көзі" деп атап көрсеткені мәлім.

Елбасы бұл ұстанымының мемлекетіміздің мызғымас идеялық тұғыры екеніне тоқтала келе, "Жаңа қазақстандық патриотизм дегеніміздің өзі – Мәңгілік Ел" деп тұжырымдайды. Шын мәнінде, "Мәңгілік Ел" идеясының бастауы тереңде жатқанын осыдан-ақ айқын аңғаруға болады.

Бақытты елдің, Тәуелсіз елдің төрт құбыласы сай болуы керек. Біздің төрт құбыламыз сай десек болады. Оған бірлік, татулық, бейбітшілік туын биік ұстауымыз дәлел. Оған бір мақсат, бір мүддені көздеуіміз айғақ. Ал, Елбасының да көксегені халықтың мақсат-мүддесі!

ұлағатты сөзі мен Мұстафа Шоқайдың "Ұлттық мәдениеттен жұрдай рухта тәрбиеленген ұрпақтан халқымыздың қажеті мен мүддесін жоқтайтын пайдалы азамат шықпайды" деген қағидасын қашанда жадымызда ұстаймыз. Өйткені, біз өркениет өнегесін үлгі еткен елміз. Сондықтан да алға қойған мақсатымыз: ұлттық мәдениет пен оны үйлестіретін идеялық негіз, яғни ғылыми жүйені жетілдіру, тіл, тарих, дәстүрді жан-жақты дамыту.

Қазіргі таңда біздің факультетте ұлттық тәлім-тәрбиені студенттер санасына сіңіру, ұлттың рухани жаңаруын ғылыми негізде жандандыру, "Мәңгілік Ел" идеясын игілікке ұластыру өзіндік өресін тапқанын мақтан тұтамыз.



Марлан НЕГІЗБАЕВА,
әл-Фараби атындағы ҚазҰУ-дің
журналистика факультетінің
доценті